

永和縣志卷十一

列女傳

風化之始全賴好逑家道之興惟恃內助緹縈上書救父孝行堪欽木蘭變裝從軍英風罕有班超續修漢書秋瑾努力革命卓犖可述者不亞男子至若蔡文姬智能辯琴謝道韞才誇詠雪猶爲能事永和風俗朴厚賢良節烈之女所在多有苟無以褒揚而紀錄之既非彰善之深心又乏女界之師範烏乎可作列女傳

明

高氏薛可教之妻崇禎間流賊破城氏投城下死貞烈可風

永和縣志

卷十一

列女傳

一

張氏生員李世金之妻夫卒時氏二十三歲遺子八月遭繼母兼貧乏蠶織爲生年七十三四世相見鄉黨咸頌稱焉

馮氏永和籍寓蒲縣崇禎中歲大饑人相食夫強其改節馮乃摘耳環市餅和毒食之死

關氏生員李世賢之妻年二十四歲夫亡守節四十三年

薛氏生員柳先榮之妻年十九歲夫亡守節三十九年

馮氏生員楊生輝之妻年二十歲夫亡守節四十一年

李氏生員馬行宮之妻年十八歲夫亡守節三十七年

清

苗氏生員薛徹安之妻寇起城破夫死氏又遇凶年氏同

妾馮氏餓寒共守撫孤姪幼女畢其婚嫁苗氏年七十九馮氏年七十先後七日俱無疾而逝

白氏賀俊士之妻崇禎七年大飢夫不能顧逃亡陝西氏二十一歲生子方三月紡織度日年七十一歲志節不渝

霍氏袁時秀之妻年二十六歲夫亡守節三十七年

劉氏監生馮璽之妻年二十一歲夫亡守節四十三年

吳氏張樞之妻年十八歲夫亡守節三十九年

劉氏生員毀爾茲之妻年二十四歲夫亡守節四十七年

薛氏康大定之妻夫亡姑老而子幼氏事姑教子矢志栢舟五十餘年里人以節孝稱

永和縣志

卷十一

列女傳

二

李氏劉人麟之妻年二十夫亡守節教子成名八十歲而終馮氏監生段士俊之妻夫亡氏年二十二姑老子幼奉姑孝當大事如禮教子入泮克家里人僉稱節孝

喬氏呼爾章之妻年二十八歲夫亡守節四十三年

王氏李長華之妻年二十夫亡子甫週歲立志守節撫子成人年七十五始終如一

郭氏守備霍顯才繼妻饒有容工年二十八夫亡子三齡富者欲強娶氏身亦防危抵死守節辟纊度日教子入泮七十二歲子孫繞膝邑人稱其節操

白氏生員侯世泰之妻年二十一歲夫亡守節事翁姑孝順

李氏仙芝里民郭世旺之妻年二十歲遇康熙三十七年連遭荒疫郭難度日將妻鬻人氏知不能挽遂投河身死

馮氏永興里民馮某之妻年十九多有疾康熙三十七年連遭荒疫翁與夫遂將氏賣與秦人氏不從投繯身死慘遭大侵一時人民爲衣食不免有賣男鬻女者如以上二氏獨守大義殞身全節特紀以俟旌獎

白氏東峪溝恩貢李福升之妻陝西清澗縣舉人直隸唐縣知縣白公士鎧之胞姐裔出清和家承華胃孝翁姑睦娣姒操作家務井井有條邑令崔公偲獎贈錦屏學台賀公長齡贈懸貞松茂蔭匾額眞巾幗中之完人實所罕見者也

永和縣志

卷十一

列女傳

三

張氏東峪溝優廩生李三級之妻年十七夫亡結髮年餘僅行寡居矢志守節誓不再嫁旌表苦節可貞建立石碑坊入祀節孝祠

吳氏官庄村苗希貴之妻年二十五歲夫歿立志守節雖食藜藿毫無愠色撫養遺腹子成人興家立業無異其夫

劉氏楊家庄劉濬源女北庄張立行之妻夫歿時氏已二十七歲矢志守節延師教子入膠庠其苦節賢孝洵堪風世賀氏附生任貴德之妻夫歿時氏年一十九歲守節撫孤備受辛苦事翁姑極孝年六十一歲終曾蒙上峯嘉獎苦節堪欽匾額以資褒揚

郭氏東峪溝貢生李增之妻年二十六歲夫亡晤翁姑思而悲啼翁姑婉言勸解藉弭悲傷及翁歿姑段氏亦孀氏懽承色笑倍加謹慎姑嘗語人曰吾有此媳吾兒雖歿猶生也至今孝稱遍於族黨已旌表節孝建坊入祠年六十九歲終

白氏東峪溝庠生李忻之妻年二十七守節事奉翁姑極其謹慎以媳代子每遇翁姑病輒焚香祝天愿以身代其天性溫和處妯娌間推逸任勞稱賢德者親疏無異詞曾蒙上峯獎給守節堅貞匾額

白氏附生張道揚之妻夫歿時年已二十七歲親老子幼應門無人氏能孝親教子始終無二意其孝敬可風

永和縣志

卷十一

列女傳

四

李氏藥家灣廩生藥榮年之妻夫歿時氏年二十八歲奉養翁姑立志守節撫養遺孤成人其德行洵堪嘉尚曾蒙上峯獎給操勵冰霜匾額

王氏楊貴義之妻夫歿時氏年二十三歲繼姑雙目俱瞽氏出入扶持晝夜罔倦待遇娣姒和而有禮撫幼子無異己生勤儉貞靜尤爲女人中所難能曾蒙隰州儒學請獎孝慈並著節操益篤八字以資表揚

王氏李文德之妻夫歿時氏年二十八歲矢志守節始終無二事姑以孝教子以義其孝慈貞節之行誠所罕有

李氏附生段榮黼之繼室夫歿時氏年二十四歲誓不再醮

撫養夫姪高騫爲子無異己出氏幼讀書知道理故能教子有義訓子有方至今鄉里猶稱道之

吳氏下劉台藥全忠之妻夫歿時氏年二十六歲或有勸令再醮者氏守烈女不嫁二夫之義毫不動念孀居四十餘年始終靡他其節操冰霜之苦人皆稱之歿時年六十八歲
白氏劉全有之妻夫亡氏年二十五事奉翁姑菽水承歡曲盡孝道待遇妯娌推逸任勞教養孤兒能有義方七十四歲終曾蒙隰州儒學保獎孝道克盡貞節自持八字以資旌表
趙氏蘇土村王國祥之妻夫歿時氏年二十九歲六十九終守節四十載茹苦含辛到底不懈宗族親戚稱頌無異

永和縣志

卷十一

列女傳

五

劉氏增生段膺綬之妻任屯留縣教諭劉道遠之女也性聰敏通文墨鍼黹紡織靡不精細年十七于歸事翁姑以孝聞翁歿孀姑在堂事事尤謹二十八歲膺綬卒遺二子高飛高翔氏痛夫情極姑教之曰死則死矣其如藐孤何氏聞言強起進食其時家道貧乏遇姑涕泣追姑歿殯葬以禮遠近稱賢二子高飛業農高翔業儒氏曰勿令書香中斷每夜翔從塾歸督課加嚴機杼軋軋與書聲相伍雖寒暑無間及翔入庠食餼設館授徒家用頗裕氏對戚曰吾生平晨夕以淚洗面常恐教養多虧無以對亡人於地下今耕讀各執其業亦可以無憾氏往來母家外雖至戚遇慶賀事有相邀者未嘗

一赴閱數十年如一日年六十有七而終道光七年入祠附祀今中街有牌額曰孝慈貞節卽其旌表坊光緒九年賜進士出身知永和縣事馬鑑作節孝傳以彰其烈志云

郝氏段廷槐之妻年幼守節賢名載道咸豐元年儒學王公呈請上憲旌表建坊

靳氏藥呈香之妻建有節孝牌坊

白氏段高翔之妻三十歲守節七十一歲終天資聰明頗通文墨治家勤勞教子有方至今人皆稱之

白氏上劉台馬至良之妻二十二歲守節六十九歲年終

李氏上劉台馬上清之妻二十五歲守節四十六歲年終

永和縣志 卷十一 列女傳 六

藥氏東峪溝庠生李三銘之妻夫歿督理家務襄辦農桑謹慎勤勞勝於男子甚至採薪汲水亦不知其爲苦也邑侯宋公稟請撫憲旌表立街中節孝建坊入祠

段氏索駝村庠生李騰芳之妻夫亡撫嗣子成人入泮並醫治小兒驚風等症極多苦節三十餘年儒學王公呈請學憲旌表節孝入祠

李氏興義村馮某之妻少年守寡矢志節操八十二歲終

馮氏馮懷仁之妻節操自持性甚端方

馮氏馮居平之妻咸豐元年三十歲守寡光緒二十四年終至今賢名載道

李氏東峪溝庠生李時忠之妻隰縣李裕德訓導之女也守節二十餘年孝翁姑睦妯娌精飲食撫子女成人內外無間言婚嫁既畢心力交瘁里人至今稱頌不已

李氏藥和惠之妻東峪溝李時忠之女夫亡家酷貧勤儉自勵茹苦甘貧撫教子女成人守節三十六年鄉人稱贊不已段氏藥士沖之妻矢志柏舟人頌稱之

韓氏名秀姐永之北鄉王家坪人氏幼聰慧及長美姿容工針指性甚激烈不甘居人下其父母貧而不慈見女才色過人不知珍惜而反視爲奇貨可居有邑富人聞此女美貌以百金求妾女潛告其母曰富貴貧賤人之命也父母雖字兒

永和縣志

卷十一

列女傳

七

於樵夫牧豎所不敢辭但不願爲人妾祈母親憐而救之如不允所請兒有一死而已母聞女言不惟不加憐反以女爲不知羞恥而厲色責之女知父母之心不可回轉後遂默不復言及聘金已過迎親有日乃乘間自縊鄰里鄉黨莫不稱此女之至烈至貞也

趙氏張成林之妻青年守節孝慈溫良人多稱之

于氏馮岐盛之妻孝慈貞節化浮閭里

白氏東峪溝李天壽之妻陝清高傑村華州學正白公蘊華之女夫故年二十一歲無子欲殉夫其弟上壽指其子繼嗣慰止之未週歲姪子天殤氏三日不食哀慟異常遂成疾二

十二歲終里人稱曰此貞節婦莫不悼頌

段氏陰德河郭玉書之妻咸豐三年十八歲守寡孝順父母撫子城南入庠兼明醫學節孝兩全且入於祠

侯氏藥種德之妻建有節孝牌坊

郭氏上劉台馬上進之妻二十四歲守節六十五歲而終任氏上劉台馬廷才之妻二十七歲守節六十四歲而終

吳氏下劉台村童生藥全忠之妻生性崇實節履冰霜逝世四十餘年鄉人稱之不已

馮氏增生白珩之妻年幼守寡族人稱頌

賀氏延家墮附生馮國賓之妻夫歿二十八歲遺孤子五歲

永和縣志

卷十一

列女傳

八

茹苦含辛教養成人其節操可嘉

任氏廩生李毓芝之妻年二十夫亡守節完貞甚關風化

劉氏鄭家原李有福之妻賦性溫厚勤勞崇實家甚貧而艱苦險阻莫不備嘗後連生十子俱得成名以致家道隆盛曾立蔚起遐邇聞風莫不欽頌稱賢

劉氏雨霖村李鴻林之祖母十八歲守寡光緒三十年六十五歲而終鄰里鄉黨僉稱節孝兩全

韋氏東峪溝庠生李韶華之妻夫亡氏年四十六乏嗣矢志守節誓不再醮勤儉治家不遺餘力鄉人稱頌八十九終劉氏上劉台馬呈書之妻二十八夫亡守節六十八年終

李氏劉致和之妻年二十五歲苦節清貞子國安孝母虔敬可謂之母潔子孝

靳氏永和關白承晉母江蘇人守節至六十五歲光緒二十七年終勤儉賢良內外無間言里人稱貞節不已

李氏李家畔李長福之母年二十三守節子五歲家貧氏勤儉治家撫子成人一時家道頗稱小康年六十八歲終

王氏從九品白學慎之母年二十夫亡守節至六十歲終

郝氏廩生白學徵之母拔貢汝舟之祖母也年二十夫亡守節艱苦備嘗年八十五而卒鄉人稱贊不已

劉氏藥永善之妻乏子撫養義子節履冰霜始終不渝鄉人

永和縣志

卷十一

列女傳

九

至今稱之

馬氏鄭家原廩生李懷恩之妻三十歲夫亡守節撫教二子

榮春成春均成家立業頗費苦心民國十一年六十歲終

郝氏拔貢段春元繼妻年二十歲于歸段家值姑有腿疾臥床不能動履氏盡心服事不啻生母孝敬之心亦可謂至矣

附義娼

賽玉本縣義娼康熙三十七年永和大飢適有委女孩於道路甫四歲玉拾之撫養不啻什襲教以女紅年至十四玉具稟本縣欲擇配良家知縣王士儀批令急擇歸良善諭旌獎當有本縣郭生員之子郭某娶焉特附列女之末以表其義